

Zaklada za inovacijski i tehnološki razvitak, INTERA TP

OBJAVLJUJE

JAVNI POZIV

MENTORING ZA NOVOOSNOVANA I POSTOJEĆA MSP SA PODRUČJA REGIJE HERCEGOVINA¹

Ovaj javni poziv provodi se u okviru projekta "**Saradnja i razvoj prekograničnog poslovnog okruženja**" (akronim projekta CODE), u okviru programa "**Interreg IPA Program prekogranične saradnje Hrvatska-Bosna i Hercegovina-Crna Gora 2014-2020**", koji sufinansira Europska unija.

Cilj projekta

Besplatna usluga mentoringa u trajanju od min. 20 sati po klijentu, do juna/lipnja 2019. godine.

Šta je mentoring?

Mentoring je sveobuhvatan i relativno dug proces podrške poduzećima (privrednim društvima) i poduzetnicima koja se nalaze u presudnom trenutku za razvoj ili opstanak. Proces mentoring predstavlja određeni broj sati koje mentor provodi u direktnom kontaktu / radu sa vlasnikom firme. Rad mentora počinje od dijagnoze. Poduzeće i mentor zajedno proučavaju razloge trenutnih problema i smetnji za dalji razvoj. Na osnovu dijagnoze mentor i poduzetnik pripremaju plan/projekt razvoja. Tokom ovog procesa mentor radi kao pomoćnik, ali i kao koordinator i savjetnik.

Sadržaj mentoring usluga

- Dijagnoza - analiza trenutne situacije u poduzeću, odnosno kod poduzetnika;
- Pomoć u pripremi razvojnih aktivnosti/planova/projekata, kako bi se dostigli što bolji poslovni rezultati;
- Savjetovanje i koordinacija aktivnosti usmjerenih na pristupanje fondovima, novim tehnologijama, konsultantskim uslugama itd.;
- Pomoć u pripremi dokumentacije koja se podnosi poslovnim bankama i prilikom konkursa za programe podrške MSP;
- Pomoć u pronalaženju poslovnih partnera;
- Pomoć u pronalaženju potrebnih informacija i konsaltinga;
- Obuka.

Implementacija mentoringa

Mentori koji će provoditi program obučeni su u okviru šestomodularne obuke za mentore koja je realizirana u okviru projekta "**Saradnja i razvoj prekograničnog poslovnog okruženja**" (akronim projekta CODE), u okviru programa "**Interreg IPA Program prekogranične saradnje Hrvatska-Bosna i Hercegovina-Crna Gora 2014-2020**", koju sufinansira Europska unija, a po JICA metodologiji u saradnji sa SERDA-om (Sarajevska regionalna razvojna agencija).

USLOVI JAVNOG POZIVA

Pravo da učestvuju u javnom pozivu imaju mala i srednja preduzeća koja se bave proizvodnjom ili pružanjem usluga, a koja ispunjavaju sljedeće uslove:

- većinsko domaće privatno vlasništvo, registrovani na području regije Hercegovina
- ne obavljaju djelatnost u okviru vojne industrije i ne organizuju igre na sreću/lotriju.

KATEGORIJE KANDIDATA

Zainteresovani kandidati mogu podnijeti prijavu u dvije kategorije:

Novoosnovani privredni subjekti (privredna društva i preduzetnici) – čija registracija nije starija od 3 godine (poslije 1.4.2016.)
Postojeći privredni subjekti - registrovani duže od 3 godine (prije 31.12.2015.)

POTREBNA DOKUMENTACIJA

¹ Općine: Mostar, Čapljina, Čitluk, Jablanica, Konjic, Neum, Prozor/Rama, Ravno, Stolac, Široki Brijeg, Grude, Ljubuški, Posušje, Kupres, Livno, Tomislavgrad, Trebinje, Betkovići, Bileća, Gacko, Ljubinje, Nevesinje, Istočni Mostar

Za novoosnovane privredne subjekte: (registrovani poslije 1.4.2016.)

1. Popunjen obrazac (može se preuzeti sa web stranice www.intera.ba ili u prostorijama INTERA TP, Bišće polje bb, Mostar);
2. Izvod o registraciji preduzeća/radnje (kopiju nije potrebno ovjeravati), na zahtjev INTERA TP

Za privredne subjekte koji su registrovani duže od 3 godine: (registrovani prije 31.12.2015.)

1. Popunjen obrazac (može se preuzeti sa web stranice www.intera.ba ili u prostorijama INTERA TP, Bišće polje bb, Mostar
2. Izvod o registraciji preduzeća/radnje (kopiju nije potrebno ovjeravati), na zahtjev INTERA TP
3. Bilans stanja, bilans uspjeha i statistički aneks za posljednje tri godine poslovanja, za koje ovlašteno lice iz preduzeća/radnje mora dati pisanu izjavu da je svaki od dokumenata vjerodostojan i istovjetan primjerku koji je dostavljen AFIP-u – izjavu potpisati i ovjeriti pečatom privrednog subjekta. Na zahtjev INTERA TP.

INTERA TP zadržava pravo da provjeri vjerodostojnost podnesene dokumentacije.

DOSTAVLJANJE PRIJAVA

Prijave se dostavljaju na adresu: INTERA TP Bišće polje bb, 88000 Mostar, ili skenirane dokumente, elektronskom poštom, na adresu meliha.leric@intera.ba ili info@intera.ba.

Na koverti ili u predmetu e-mail poruke, mora biti jasno naznačeno „ZA JAVNI POZIV – MENTORING 2019.“

Za dodatne informacije možete se obratiti pozivom na telefon 036 327 972 ili putem elektronske pošte na adresu meliha.leric@intera.ba ili info@intera.ba

JAVNI POZIV JE OTVOREN DO 08/03/2019 GODINE

Obrazac za prijavu.